


Gasteizko gaztetxearen aldeko notak

Gasteizko gaztetxeak azken hilabeteotan jasan dituen erasoek elkartasunezko erantzuna izan dute. Gaztetxea botatzeko asmoa dutela eta, hamahiru musika taldek beren laguntza eskaini nahi izan diote, eta kantu bana prestatu dute *Gaztetxeak martxan!!* diskorako


mikel lizaralde

Durango azokaren atarian kaleratu duten arren, Gasteizko gaztetxeko lagunek urte osoa eman dute *Gaztetxeak martxan!!* CDa prestatzen. Urte hasierarako hasi ziren aditzen Udalak gaztetxea ixteko asmoa zuela zioten ahotsak, eta gazteen elkargunea defenditzeko ekimenen barruan CD bat grabatzeko aukera sortu zen, gaztetxeko lagunek azaldu digutenez: «Udalaren asmoen berri komunikabideen bidez izan genuen, eta horri aurre egiteko orduan, beste hainbat ekimenen artean, CD bat egiteko ideia zoro samarra sortu zen». Ideia gauzatzea ez zen erraza, gaztetxea hizpide izango zuten argitaratu gabeko kantuak biltzea baitzen gaztetxeko asmoa. Hala, gaztetxea prest azaldu zen taldeei lana errazteko zenbait baliabide jartzeko: «Inguruko jendeari hitzak idazteko eskatu genion, taldeei hitzak eskaini ahal izateko, eta taldeekin ere harremanetan jarri ginen. Talde guztiek esan ziguten oso ideia polita zela, baina batzuek diskoak grabatu behar zituzten edo bestelako konpromisoak zituzten, eta, azkenean, hamahiru taldek hartu dute parte CDan». Honako hauek dira hamahiru taldeak: Soziedad



▲ miren saez

Alkoholika, Skunk, π.L.T., Txapelpunk, Fermin Muguruza, R.I.P., Kashbad, Su Ta Gar, Lisabö, Flitter, Deabruak Teila-tuetan, Betagarri eta Vias Jarbanziño — O Jarbanzo Negro taldekoak—. Eta horietako bakoitzak kantu bat prestatu du diskorako. «Denei abesti berriak eskatu genizkien, baina RIP eta Deabruak Teila-tuetan taldeen kasuan, beren aukeretara egokitu ginen. RIPEk zailtasun handiak ditu gaur egun kantuak egiteko, gutxitan jotzen baitu; eta, ondorioz, aspaldiko melodia bat moldatu du diskorako. Dea-



Gaztetxeak martxan!!

Gasteizko gaztetxea

Telef/Faxa: 945 256818

Email: gga@sindominio.net

Webgunea: www.sindominio.net/gga

Hamahiru ahots

Honako hauek dira *Gaztetxeak martxan!!* diskoan parte hartu duten musikariak eta horietako bakoitzak eskaini duen kantua:

- Soziedad Alkoholika (*8812 —Pisos vacíos—*)
- Skunk (*Etor daitezela!!*)
- πlt (*Ez da bidea*)
- Txapelpunk (*Dos soles tiene Gasteiz*)
- Fermin Muguruza (*Hiri debekatura bidai txartela*)
- R.I.P (*Me cago en la política*)
- Kashbad (*Zuen eskapareteetan*)
- Su Ta Gar (*Gaztea*)
- Lisabö (*Zementuzko zeru bat*)
- Flitter (*Okupo-preokupo*)
- Deabruak Teila-tuetan (*18/98*)
- Betagarri (*Muinoko etxea*)
- Vias Jarbanziño (*Okupazioa*)

bruak-ek, aldiz, 18/98 biran erabili baina grabatu gabe zuen kantu bat egokitu du».

Gaztetxearen errealitatea azaltzea ere izan da CD honen asmoetako bat, eta, hori dela eta, gaztetxea ezagutzeko pista interaktibo bat ere prestatu dute: «Azken batean, gaztetxearen gaur egungo egoera azaltzea izan da CDaren xedea, eta pista interaktiboa horretarako oso baliagarria izan zitekeela pentsatu genuen». Hain zuzen ere, CDak gaztetxean bertan sartzeko eta haren bazter guztiak ondo ezagutzeko aukera ematen du, eta baita gaztetxearen inguruko hainbat albiste eta iritzi irakurtzeko ere».

Gaztetxeak martxan!! lanaren 3.000 ale kaleratu ditu gaztetxeak eta 1.500 pezetan salduko dituzte—laster bederatzi euro inguruan—. Zabaltzen-ek egingo du CDaren banaketa komertziala, baina gaztetxeetan, tabernetan eta bestelako gunen alternatiboetan ere eskuragarri izango da. Dena dela, gaurtik aurrera Durango Azokara joaten denak ere izango du han bertan CDa erosteko aukera, *Naparthaid*-en eta *TMEO*-ren salmahaietan izango baita.

GOR DISKETXEAREN NOBEDADEAK



HEMENDIK AT!:
"Etorkizuna"



SKALARIAK:
"En la kalle"



SU TA GAR:
"Jo ta ke"



KEN 7:
"Atzo da bihar"



AURTENGO GORAKADA 5



BERRI TXARRAK:
"Eskuak/Ukabilak"



Nafarroako Bertsolarien Elkarte:
"Hitza Dantzan"



hamar urtez bideoan



GOR Diskak
Manuel de Falla 2
31005 - IRUÑA

www.gordiseas.com

Telefono: 946101010
Email: gor@jet.es

Askoren artean:
BIDEOAK

hamar urte euskar rock eginez